



UNIVERSITÄTS-
BIBLIOTHEK
PADERBORN

Tyrocinium Artis Oratoriæ Sacræ Et Profanæ

Moine, Joseph

Solodori, 1714

15. De Thesi, Hypothesi, & Loco communi.

[urn:nbn:de:hbz:466:1-68834](#)

versus ingratum concitabitur, quò crebriùs expertus est infidelem? *Conclusio.* Aut fortè solius Dei Gratiæ obsequium non merentur? Num istarum tantùm neglectus injuriam non efficit? An frequentissimè in ipsius contemptum usurpatæ iram non provocabunt? Tot tantásque infidelitates ac contumelias sapientissimus Deus solus non sentiet? justissimus non irascetur, accendetur, exasperabitur? &c. *Argumentum istud cum sequente hoc vel simili modo connecte:* Quis nisi insanus hoc sibi imaginetur? Quod si verò ad iracundiam ipsum æquissimo jure concitant, etiam ad pœnas instigabunt. Tum eodem modo sequentis argumenti argumentationem amplifica, ejusque Assumptioni probationem adde, sicut in hoc priore intextam aliquam notabis.

CAPUT XV.

De Thesi, Hypothesi, & Logico communi.

1. **Q**uis est modus amplificandi per *Thesin* *Thesis & Hy-*
& Hypothesin? Resp. Suppositis hīc il-
 lis, quæ de utraque suprà dicta sunt, facilis
 & copiosus est modus dilatandi, si Hypo-
 thesin aliquam, seu propositionem particu-
 larem traducamus ad Thesin, seu propo-
 sitionem

tionem universalem, & postquam de gene-
re fusiū diximus, rursus redeamus ad Hy-
pothesin, eāmque breviter dilatēmus cum
respectu ad dicta in Amplificatione Thesis.
V. G. Sermo est de virtute, vitio, arte, aut
alia quacunque re particulari. Transferatur
sermo ad virtutem, vitium, artem, &c. in
genere. Postmodum, quæ de genere dicta
sunt, applicentur huic rei singulari, de qua
agitur. Candidatus Rhet. Progymn. 5. se-
quentem propositionem hoc modo dilatat,
cujus synopsin refero : *Gratior est puerorum in-
stitutio, quam adolescentium.* Istam Hypothesin
dilatat per sequentem Thesin : *Omnia dum
ad huc parva sunt, oblectant; quando majora evase-
runt, vilescent.* Hanc Thesin probat inductâ
Enumeratione quorundam animalium : tum
verò, quæ pro Thesi attulit, suæ Hypothe-
si applicat. Similiter hujus propositionis :
*Curandum adolescentibus, ut excellant in arte ora-
toria.* Thesis erit : *In quaru arte excellentes ma-
ximi semper estimabantur.* Probari potest per
enumerationem variorum, qui in aliis arti-
bus vel scientiis excellentes honorati sunt.
Ut : De Homero post mortem tres civitates
disceptârunt, cuius earum tantus Poëta ci-
vis fuerit, cùm quævis ex eo sibi ornamen-
tum ambiverit. Epicteti lampas fictilis post
ejus obitum ingenti pretio empta est, quòd
ad eam nocturnis lucubrationibus suos li-
bros scripsérat. In obsidione Syracusarum
man-

mandatum est mili , ut urbe potitus parceret Archimedi celebri Mathematico , &c. Tum denuo ad Artem oratoriam revertendo dicatur , quantò major ex hac arte gloria sit speranda , cùm ea sola animis dominetur.

II. Videntur esse inanis garrulitas , quæ ita de genere producuntur. Resp. Nullo modo. Quæ de genere aut toto dicuntur , affirmantur etiam de specie aut parte sub eo contenta. Accedit , quod sicut genus latius per se patet , quam species , latiorem quoq; amplificationi campum aperiat. Denique oratio , quæ latius patet , ornatior est , & gratior auditori. Verum nihilominus est , non commorandum diutiùs in explicanda thesi , sed redeundum ad hypothesin , cuius solius expositio utilis est auditori , ne hic tamdiu in contemplandis exterioribus domis detineatur , donec otium non supersit ejus pretiosiora penetralia introspiciendi. Hanc translationem particularium ait Granat. L. 2. Rhet. c. 12. esse totius concionis scopum , ad quem omnia referenda sunt , & hanc ad mores applicationem non solum peracta argumentatione faciendam , sed quoties occasio se obtulerit.

III. Quid est *Locus communis* ? Resp. Est *Locus communis*.
oratio laudes aut vituperium alicujus exag-
gerans. Per vocem *Oratio* hic non intelligi-
tur integra oratio , sed tantum ejus pars. Di-
G citur

citur iste modus amplificandi Locus *communis*, quod habeat fontes quosdam communes, qui in omni laude vel vituperio possunt habere locum.

IV. Quas partes habet? Resp. Sex, quae sex aliis possunt expoliri ac terminari. 1. *A Contrario*. Sic si de aliqua virtute agatur, dici potest, quam vitium contrarium sit perniciosum, indecens, &c. Si de vitio, quam virtus opposita sit utilis, decora, &c: & sic in aliis partibus; semper rationem habendo seu respiciendo eum, qui laudatur vel vituperatur. 2. *Ab Expositione*, referre licet, non ad docendum (cum ponatur res ex reliqua oratione jam constare) sed ad exornandum, quid ex tali virtute egerit. 3. *Comparatione* hujus virtutis cum aliis ornamenti ejus, qui laudatur. 4. *A sententia*, seu consilio, quo hanc virtutem exercuit. 5. *A digressione conjecturali*, qualis in aliis virtutibus fuerit, qui in hac ita excelluit. 6. *Ab Affectu*, illo scilicet urgendo, quem oratio excitare conatur: v. g. Amore, vel in viitiis Odio, Æmulatione, vel Invidia, &c. His sex partibus ad sermonem magis excollendum, & auditores ulterius impellendos, addi possunt ex sequentibus aliqui vel omnes. 1. *Legitimum*, nihil divinis & humanis Legibus, nihil exemplis esse conformius, 2. *Utile*, 3. *Honestum*, 4. *Facile*, 5. *Jucundum*, 6. *Eventurum*, h. e. quid futurum sit, si hoc agatur.

v. Ubi

v. Ubi maximè opportunus est Locus communis ? Resp. In iis laudibus , aut vituperiis , ubi præter unam vel alteram actionem laudandi vix aliquid notum est. V. G. Laudare oportet Martyrem , de quo nihil constat , nisi quòd Romæ passus sit sub Nerone. Paradigma talis amplificationis habet paulò alio modo Candidatus Rhet. Progymn. 6. de seditioso.

CAPUT XVI.

De Chria.

I. **Q**uid est Chria ? Resp. Est amplificatio Chria quid facti , vel dicti alicujus , vel facti cum dicto quodam conjuncti , certis partibus comprehensa.

II. Quotuplex est Chria ? Resp. Triplex. *Acti*- Quotuplex
va, quæ factum aliquod ; *Verbalis*, quæ sententiam ; *Mixta*, quæ sententiam cum facto aliquo conjunctam excolit & amplificat.

III. Quot partes habet Chria ? Resp. O- Ejus partes
cto. 1. Est *Laus* illius , qui aliquid fecit , di-
xit , vel simul fecit & dixit. 2. *Explicatio* or-
nata talis facti vel dicti. 3. *Causa* una vel mul-
tiplex facti vel dicti. 4. *Contrarium* illi , de
quo agitur. 5. *Similitudo* idonea. 6. *Exemplum*
unum vel plura , in eadem re , in qua tale
dictum aut factum versatur. 7. *Testimonium*
Veterum , sive sensus auctorum , seu sacrorum